

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUN 6 1940

T 3230/2286.83

歸善縣志

善縣志卷之十四

人物

賢才之盛衰隨地而異而亦存乎德化前之稱歸善者謂於山見白雲之高峭立萬仞有忠節廉介之象天螺石埭磅礴而里厚有垂紳端笏正色立朝之象於水見兩江西湖之淪淵有濡毫灑翰珠璣錯落之象亦極揚厲之詞矣然其所以成之者不可不思其所自也志人物第十四

宋

李思純皇祐五年以三禮出身歷官朝奉郎知封州

哈佛大學漢和
圖書館珍藏印

瓊州安撫使其弟思義相繼守封皆有遺愛於民
梁昭德政和中以三禮出身授循州僉判有治狀與
邑人陳伯修李文輔爲友鄉里重之號曰三善士
朱誥字少揚少警悟七歲受論孟再讀成誦鄉先生
陳少微異之曰此子必立身揚名因命以字長嗜
學通六經百家言爲文不趨一時好在郡庠常爲諸
生祭酒誥溫恭愷悌人多附之有同舍高年當遷
誥以義遜郡守韓磊卿聞之喜曰宋生廉靜有識
者也漕使慕其賢辟攝新興僉幕檄至而誥卒于
篆登寶慶二年進士授從事郎梅州司法叅軍

關可成洪武十九年貢入太學有聲拜監察御史以
言事調知寧德縣愛民禮士守已奉公擢湖廣僉
事祀寧德名宦

陳灝本名魯生以鄉薦至京奏對洪武奇之賜今名
授工科給事累官福建僉事坐累謫戍興州永樂
初以赦復官用廷臣薦召爲浙江道御史謫鳳翔
尉洪熙初復召爲左春坊中允一年乞致仕卒於
家灝樸茂淳潔抗直敢言屢謫而不貳其行鄉邦
賢之

翟彥榮字達道龍津人少以才望洪武壬午舉於鄉
甲申進士知宜黃縣政聲赫然擢兩浙直指彈斥
不避權貴爲忌者所中遂罷歸

郭觀正統中以鄉薦訓導于南歷監察御史浙江僉
事性整肅事無鉅細必親所至姦吏屏跡守官二
十餘載清操不渝士大夫以爲儀表

葉應字子唯嘗獲金於野訪其主歸之登成化戊戌
進士初授行人遷南京工部員外郎清理江北諸
州課額定節運抽分之格上下便焉爲營部郎中
時有民陳忠者坐逋官銀獄斃已繫其子又鬻其

女應聞代償而釋之出守慶遠未幾乞休好讀書
所著有易卦圖衍圖說大學綱領

葉榮以歲貢授廣西岑溪教諭初學宮俱茅茨榮損
節七箸易以瓦嘗攝邑事獍獠叛掠造其壘諭止
之卒於官

孔達以歲貢任番禺主簿都御史俾治官艘餘鏹皆
不敢私常督東筦册有聲卒於官

潘維藩字价卿少有才名以貢授英山縣爲政務寬
簡廬附郡爲合肥號要衝諸邑例出錢佐其費維
藩曰肥役誠煩然送迎僅百里英七百里彼煩我

遠厥費維均力請於守得免焉英故事日需饋於民維藩始盡斥去丞簿化之他所釐革皆稱是陞黃州判未聞命卒

陳道字常經居鐵爐湖正統八年歲貢授撫州推官攝郡事歲饑發倉以賑左右執例須申請曰民且死安能待乎咎自吾不汝累也倉粟不足益以已俸所全活數萬人上官果惡其專切責之遂乞休歸而生事甚窘弗顧也訓子甚嚴戒子婦不得華飾子姓有小過衣冠跪謝竟日乃已人比之萬石君子琮學甚優以貢授泗州學正未任卒從子墳

以一員仕終廬州教授爲諸生時讀書翟夫子舍有同舍生亡其資衆疑墳墳不與校後得其盜資者人始服其量又有陳漢者當貢而讓其同列其人倚禮幣謝之漢曰漢爲足下有老母須祿養故讓而顧受謝足下自爲孝子而漢爲貪人乎卒不受漢後亦貢以母沒不赴選又陳之先有名永吉者嘗遊學鄱陽白鹿洞歸力行古道歲饑捐賑以濟鄉里蓋陳氏世有隱德云

蕭青字廷翠景泰五年進士歷官南京禮部主事員外郎湖廣永州府知府卒於官以清謹著稱

黃蔭字景福以鄉薦授六安學正嘗典試四川擢知連江縣爲政不求赫赫之聲年未六十卽乞休歸橐蕭然

司鑑字克正惠州衛人也孝事繼母有二女弟財產惟所欲年十七爲鄉諸生以貢選知藤縣曰關西四知吾獨知屏絕苞苴一意稱職然多與時忤三載告歸時鄉里盜賊充斥乃倣流民圖繪盜猖獗狀以屬李給諫學一卒得請盡殲諸盜鑑有力焉人以其性剛而面黑號曰司鐵

歐陽宏字任重居水背家貧少就塾師諸生夜讀宏但默坐師怪其無聲宏長吟無油二字以雜之師乃使就旁舍共燈火舉於鄉攝河南孟縣教諭知福建永安縣清操一節以不耐煩劇歸結屋官橋之野四無居人環堵蕭然楊起元造訪之宏倚杖出迎年已八十有一繩床敝席非人所堪也起元臨別請受教曰清心起元爲之悚然

劉光奕字居謙十三而孤孝母力學嘉靖戊午舉於鄉教諭同安遷知清流縣爲政清勤尤加意造士所拔裴應章伍可受爲清流甲第之始遷亳州知州以母老不習水土乞歸家居守正非公不至後

舉鄉飲大賓邑有大利病輒爲懇陳郡守徐以鄉評特重旌其閭

唐光字汝晦永平鄉人性孝謹舉於鄉知城步縣革株連之訟居官末一年以母不能其水土乞休歸子廷麟丁卯孝廉和厚有父風宰興安亦有聲林魁字若思居西門少有文名以貢入國學授江西東鄉縣丞首判勢家之訟撫按交異檄署金谿邑大難治魁治之裕如其在東鄉也有巨盜遣其黨二三輩覘虛實詭稱廉訪魁曰此姦也叱收捕之一訊而服人稱其神還日兄老而瞽日侍飲食省

起居人以爲厚德君子云

廖任字志尹舉正德庚子鄉試授臨武知縣務實政節財寬力興學賑饑居一載卽引疾歸棲息西湖不問家事敬事繼母友愛庶弟尤爲鄉里所稱子七人次日望最賢收恤戚屬與賓筵者再人以任比漢萬石君以日望比慶能世其孝謹焉

廖日恆字守貞居府治前事親孝親病嘗刺血和劑以貢授福清縣丞有惠政中歲喪偶遂不娶敦友愛好施與掩骸周急多長者之行

鄭維新字敬甫生而穎異善屬文弱冠舉於鄉授東

平州學正迎母就養勤約如諸生以薦召爲浙江道監察御史送母還推舊廬於弟而自僦屋以居有納賂者峻却之歷官湖廣按察僉事廣西叅議所至以廉靜稱卒於官著有惠大紀郡中文獻賴之

鄭貴濂字宗周幼孤貧爲諸生慕陳白沙之風卽與其友官文韶共相砥礪以鄉薦授福建平南知縣興利革弊有聲遷南昌府通判值宸濠變後廼窮捕嘗與謀害孫許二公者誅之丁內艱起補慶遠歷荊州所至有善政民稱爲鄭菩薩遷雲南趙州

知州卒於官

楊天祥字休徵祖博羅泊頭人遷歸善塔子湖父順

膠州同知生天祥長而苦學讀書白鶴峯晝不踰

闕夜不帖席夜以水沃足致跛其誦讀之法以

心對書以耳聽聲每篇以百遍爲度當其讀時一

切俱廢爲文悉有根據正德丁卯鄉試第八丁丑

成進士以書寄友人及諸昆弟曰古人讀書破萬

卷子自弱冠厲志讀書至今十三年一年中除時

節家慶及疾病之日不過六十日其三百日皆誦

讀日日不下三簡一年不下九百簡十五年不下

一萬五千簡方之古人僅十之一二然以近世較之予猶爲多徼倖進士矣回思所讀之書俱無所用何者七篇之文如其黍度而止五策之文如其條貫而止論雖可肆亦有步驟不得大騁至大庭之對檢點謹慎且晷刻有限難以盡展譬之飲食雖珍羞錯列而屬糜則止譬之斧斲雖巨木離奇而就墨則削至於應事接物不能踰於人情物理之常泥古則迂反古則倍讀書雖多亦奚以爲哉雖然尚子平救斷家事徧遊五嶽有跋涉之勞有離曠之憂勞筋苦骨曠年閱歲僅乃徧之夫五經

備天地萬物之理比之五嶽孰大而加之諸子歷代史百家之言亦寰中洞天福地也予讀之每徹一書心曠神怡視聽俱新顧不出戶庭者十餘年徧之矣雖不足以喻人亦足以自喻也時人以爲名言選官戶曹差通州督運有糧長餽一硯却之復令人關說明其爲金硯益峻拒之及卒囊無餘貲同年共賻之乃得歸

葉春芳字應元居萬石坊父標母鄒氏年十九而寡遺腹生春芳十五入邑庠爲社學師以貢選古田縣丞盡却常例攝古田篆建社學行鄉約立保甲

祈禱水旱備禦盜賊不爲災害以忤道過上官遂
乞歸方少孤時族人有窺其產欲害之者春芳終
不與較且恤其子孫日以祖宗視之一氣也赴選
時有貴顯託以郵書不肯受曰嫌於干進其自守
如此湛文簡稱其學問令二子師之及卒爲之誌
其墓長子夢麟亦以貢爲如臯主簿純樸無忝庭
訓云

葉春及字化甫天祐子少以古人自期年二十一舉
於鄉計借過白沙謁羅念庵奇之每過留信宿穆
廟改元上書陳時政纒纒三萬言首崇聖學尤爲

探本以福清教諭遷知惠安遵洪武制居者
申明亭兼聽戶婚之訟毀淫祠改建社學立保副
長令行禁止清稽版籍不假吏胥至廢寢食他事
精勤類此三載引疾乞休入羅浮山伐石作室以
居萬歷辛卯以薦起知興國州旋轉鄖陽同知入
爲戶部郎中轉江西司嘗管崇文稅條上利弊甚
悉竟以勞瘁卒艾穆巡撫四川時以春及行義過
人舉以自代不報其在惠安著有政書在崇文著
有權書嘗修端州志順德縣志永安縣志順德縣
志多爲其邑人更改永安猶爲完書買地鶴峯左

居之增建祠宇置義田贍族有范文正之風

舊志參用

明史

吳相字廷佐居南門兄瞽無嗣相生事死葬備盡其誠以貢司訓文昌遷霍邱教諭饒州教授撫按交薦掌淮藩宗學數年歸年高德劭爲鄉飲正賓前後十三次鄉里資其表正

李文傑字汝與未冠爲諸生薄詞章潛究姚江新會之學性孝友居喪哀毀事兄如父嘗助友金不責其償歷訓諭延平候官遷韶州教授却貧生之餽造士多所成就老而致仕猶好學不倦著太極卮

言發明濂溪宗旨鄉里有紛難必質於李先生爲人士楷模年七十九以無疾終

姚祥成化辛丑進士歷宰新喻浦縣擢江西道監察御史性明銳所至吏不敢欺沛有負官租者繫獄累年祥與之期而遣之如約而償惡少某嘗被酒挾刃擬其父祥曰是大倫攸關立杖殺之遠近震懼無敢羣飲私鬪者按蜀風力尤著正德初遷雲南副使劉瑾以深文陷祥謫戍鐵嶺瑾誅復官道卒

陳琳歸善人成化元年開建知縣公平正直抑強暴

恤貧窮修城池興學校以憂去民懷之

見通志名宦

唐勳字汝立正德戊辰進士知靖江縣平賊息訟弭盜興學崇墉濬渠政聲赫然改知休寧正德癸酉饒寇逼城出死力禦之既散復聚勳已報政去聞之亟還率壯士與戰於黃茅奮擊殲之紀功使上其事徵為河南道御史巡視蘇松鹽屯屢疏留都倉場屯田及官妾賜與差遣諸弊武宗多採用焉素多病乞歸卒

曾守約字子如嘉靖己丑進士授行人選江西道御史巡視十庫刷卷江西後按廣西振紀綱擊賊吏恣肆者悉寘於法戊戌山陵大功起武定侯郭勛總其事羣瑄附之守約前以巡視忤勛乃抗疏交劾言勛諸不法事疏留中擢大理寺右寺丞未幾以養母乞歸

李鵬舉字起南父信官江西理問治獄有陰德鵬舉幼慧從潮陽薛侃講學於豐湖遂究理窟舉嘉靖丙午鄉試兩上春官不第授餘杭教諭能以師道自任遷盱眙令有叔訟其兄子者久不解鵬舉諭以倫理反覆剴切各涕泣去通判梧州却督糧歲例八百金署懷集令設木吏以代句攝立社學以

教猺獠金鵝山諸猺願輸丁爲氓已而後令至猺
復叛父老願復借寇鵬舉再至念猺反覆思創以
威乃夜犒民兵授以方畧翼辰紛然獻誠諸猺自
此懾服又署容縣縣當孔道郵符肅清遷台州同
知台有海墾腴壤租制以近倭禁民田而勢家陰
踞之鵬舉按其事論遣如法時御史龐尚鵬按浙
精劾吏治以廉能貪酷立標令人自審所處鵬舉
處能處酷尙鵬曰台州府同知不酷其處能是也
未幾遷德府長史乞歸卒祀鄉賢

李大有字子樹松栢嶺人鵬舉從兄父佑與鵬舉父

信同產皆以椽仕至州同知大有與鵬舉復同舉
於鄉大有令江右之永福僻而梗治之甚有條理
四年五薦遷貳温州甚得聲譽然亦以持法嚴失
豪族意遷端州自計不能隨俗遂乞歸家於西湖
孝養繼母以終

湯相字少莘讀書十行俱下嘉靖癸卯鄉薦第二知
龍巖縣以計平巨寇黃世廣饒宏嵩高廖選等境
內以寧在治九年平易近民擢貳鄖陽去百姓爲
立生祠以目疾歸不之郡杜門以老

葉夢熊字男兆父春芳繼娶石氏生夢熊登嘉靖乙

丑進士知福清吏治尚嚴人不敢犯戊辰拜戶部
主事轉餉關中改山西道御史風采凜然以諫受
巴漢那吉降謫邵陽丞時順德岑用賓亦以丞謫
丞宜陽尋卒夢熊兼程馳至經紀其喪二載移歸
德司理尋遷南戶主事督鳳陽倉鳳陽舊多額羨
夢熊一切裁去甲戌轉本部郎中尋擢知贛州府
節筦權立程書與十縣更始月課殿最郡屬肅清
贛有劇寇葉楷穴居萬山中已三世矣有司不能
制夢熊白巡撫江一麟議既定密訪故嘗與賊交
通者授計召楷所親任離散其黨於是就其地建

社學行鄉約立保甲受約束令子弟有願學者聽
於是楷子弟多隸轅門夢熊召而諭之曰汝家世
梗化朝廷待以不死恩至矣今執迷不返將擣爾
巢爾且歸矣子弟歸楷號召諸峒起兵分據扼塞
兵反從中攻楷楷愕率妻子將千人保馬蹄山而
千人亦半受牒倒戈相向楷知不免與妻子自焚
騎士馘獻之斬首三百餘黨悉平疏聞詔賜金幣
以內艱去服闋補安慶知府會有文田之令上下
操切以阿首輔巡撫孫光祐欲并陂蕩丈之夢熊
曰安慶多沮洳秋冬水涸露土春夏卽復爲魚鼈

窟奈何爲民厲光祐劾其慢奪俸三月壬午擢雲南副使備兵金騰未赴改浙江巡海副使行部至舟山環視險要歎曰國家歲費糧餉僅保境內已乎於是悉召海上漁船各分界限勒爲部伍教技擊繕器械慎守望歲省餉金之半臺省舉邊才調永平兵備獻謀於督府王一鶚製輕車重砲疏聞稱旨加左叅政兵部紀錄丙戌大計廉能第一轉山東按察使尋晉右布政巳丑擢左僉都御史巡撫貴州每謂楊應龍必變卒如所料調巡撫陝西進右副都御史以請討奢力克與經畧洛議相左

廷議方右洛不用會 捨力克東歸乃移夢熊巡撫甘肅造大礮千計軍威大振夢熊有膽決敢任事壬辰倅拜叛上疏請討六月赴寧夏時拜衆三萬營羅山夢熊乘間趨靈州與總督魏學會會議命驍將麻貴馬孔英帥銳卒千人赴敵用神礮大破之拜堅壁不出帝以夢熊代學會賜上方劍督諸將力戰平之事聞擢右都御史兼兵部左侍郎即日移鎮還固原以病乞歸加兵部尙書改南京工部加太子少保進太子太保加蔭錦衣衛指揮世襲連疏乞休不許夢熊歎曰吾受恩深非致身何

以報平將就道俄以疾卒於家賜祭葬

通志參增明史

陳吾德字懋修歸善人嘉靖四十七年進士授行人

隆慶三年擢工科給事中兩廣多盜將吏率虛文

罔上吾德列便宜八事皆允行明年正月朔日食

言天災宜應天以實詔遣中官督織造市珍寶切

諫報聞帝從中官崔敏言命市珍寶尚書劉體健

給事中李已執奏不從吾德復偕已上疏帝怒杖

已百錮刑部獄斥吾德為民神宗起兵科忤居正

出為饒州知府御史又劾其蒞潮時違制講學用

庫金市學田遂除名為民居正死薦起以親老不

赴後終湖廣僉事

明史本傳 案通志作新會人今據明史增入

楊傳芳字體晉性方嚴篤於孝弟為諸生聲籍甚講

學里中生徒無慮數百人成就甚眾以歲薦為潮

州訓導纔四十餘日感念先人邱隴即告歸不治

家人產事母孝母病衣不解帶者累月撫字幼女

弟及仲兄遺孤如已息嘗從湛甘泉遊聞白沙陽

明之學恆以無成為愧作讀易銘置之座右嘗曰

聖訓如醫方隨病增減不可泥惟執中二字為固

本丸爾著自鑑錄采格言為三字四字經訓諸蒙

孫臨沒神明不亂正衣冠就寢而逝子起元

楊起元字貞復號復所少補邑弟子隆慶丁卯言官
疏正文體限字不得踰五百起元素才富刻華敦
樸遂首東粵丁丑登進士選庶吉士適羅汝芳以
叅政入賀遂學焉張居正方惡講學汝芳被劾而
起元自如進修撰戊子典試閩省己丑分較禮闈
俱稱得士尋遷國子司業轉洗馬纂修玉牒允經
筵講官上疏崇聖志懋聖學壬辰分較禮闈以外
艱歸起國子祭酒以母老辭不允遂將母行未抵
京轉南禮部侍郎攝吏禮二尚書事因災異丁疏
勸講學仍疏請奉母南歸不報以母艱歸廬墓得

病卒賜祭葬天啟初追謚文懿起元居家孝友制
行誠篤平時不見喜愠學以知性爲宗不離日用
所著有天泉會語論學存笥稿白沙語錄行世然

其學不諱禪

通志叅
增明史

張燦字澄復鳳陽都督張通之曾孫通以平海寇黃
蕭養功官前軍都督僉事賜蟒玉授廣東總督駐
惠州歸善遂家焉燦襲職嫻韜畧敦詩書嘉靖四
十一年征潮倭四十五年征賊李亞元隆慶元年
征賊楊子亮萬歷四年征羅旁斬級數百陞都指
揮僉事征從化賊斬七十四級陞潮州守備轉福

建都司未任請休卒年九十一子燧有好義名次子燦另有傳

葉峇字允中下郭人年十五爲諸生以不附麥登斥革益治其學業父以其兄放縱繫之兄死峇請持服弗許乃私哭於墓私爲之服父嘗受誣繫獄峇請代三月而疾作弟復請代郡守嘉其孝義出於一門父病侍疾甚謹執喪甚哀拜墓哭忌日哭終其身祭祀夫婦必親事雖至細不假手於人朔望率男婦廟謁然後受男婦謁夫婦迭賓主拜上壽然後男婦更上壽盡歡而罷著陽教書訓男陰禮

書訓女及婦授子萼以孝經考註勉以聖賢少師南海龐弼唐後師揭陽薛中離又使萼師之薛還揭陽沒爲位哭復臨其墓著有大學解錄濂溪明道象山白沙陽明中離詩諷詠之惠陽稱家範首下郭葉氏云

葉萼字韓夫餼邑庠薛侃留館豐山萼事之侃講易疏魯論及各經釋義悉與之訂正嘉隆間峒賊蔓布諸邑衆五萬列巢十有三所萼窮訪籍盜名及所焚劫屠戮積三載成帙與司監共爲圖遺李給諫學一學一力主勦賊始平給諫廷諍立郡割縣

事萑亦甚有力焉有巨姓侵縣學地萑爭之十年卒復之萬歷丙子爲嚴州府教署桐廬多興革乞歸後築室豐山叅議周鼎闢天泉書院以萑爲一郡師著有合圖易疏詩書精釋四書合詮方壺謾述廣莫遊草七子真宗等書卒祀鄉賢

李學一字萬卿幼頽異弱冠首鄉書隆慶戊辰成進士選庶吉士以外艱歸時山海多寇兵民惴惴學一起復授刑科給事中遂上疏言積寇久爲惠患當事掩飾彌縫無爲國家計者宜責兩廣總督殷正茂要其成功下兵部覆議正茂聞之甚恚而給

事張楚城御史陳堂復上疏如學一言命正茂大征果熾羣寇惠人相慶以爲功出殷司馬而議決於李給諫也時御史楊一桂言嶺東遼濶奸民嘯聚甚易宜長樂置府而以惠之興寧和平龍川長樂潮之饒平大埔隸焉兵部尚書譚綸佐其說移檄勘議惠潮皆以爲不便學一復力爭止之內艱起復補吏科給事中多所建明出爲湖廣叅議時首輔張居正家勢薰灼學一絕無所媵阿督學貴州得士而湖廣御史承居正意指論其前事奪一級居正沒尋轉廣西副使量移苑馬寺卿卒無子

以從子載綦爲後

車利聘字學伊象嶺巷人以恩貢判潼川州攝安岳令行鄉約社倉社學革科派詰奸僞士民愛之擢修仁令病不能之官家居數月卒

車鳴時字宜仲萬歷丙子鄉薦署文安教諭旋令政和遷永安州守仁洽風移民依之如父母祀名宦鄉賢所著有梅花集古詩

陳運字于昌性孝友博學能文萬歷乙卯舉孝廉授瀏陽令時中官虐民運卵翼之悉脫筆楚民藉其庇以母艱歸遂不復仕著惠州西湖志瀟湘草披

雲草行世

陳廷諤字忠孺登萬歷庚子賢書事親孝篤友愛歲饑推粟以贍族黨性介潔無妄謁次子正蒙成進士廷諤以澄海教諭遷衡山知縣訟庭清靜却羨餽革陋規杜賓客旋卒於官篋書數卷而已著有瀛海吟青檀事紀澹寧集等書

陳正蒙字穉開生而穎異十四試童子卽冠軍壬子經魁丙辰進士授福建歸化知縣至卽禮高年有德問利弊百廢俱修自署一聯曰四境藹如春賣劍買牛耕綠野一堂清似水鳴琴舞鶴對青山人

傳誦爲實錄未幾卒於官幾無以殮櫬歸日百姓泣送數百里外祀鄉賢名宦

黎遵指字是因萬歷乙卯鄉薦父化淳病廢每膳必親爲舉匕居喪泣血骨立兄象指四十始舉子患痘瀕危遵指額天請以己子代司鐸德慶州擢邵武司李時光澤某生久繫冤獄訊而釋之監司欲執法縱巨猾遵指持之力願解綬去其操舍類如此江寇查華十左道惑民衆不敢捕遵指竟擒之復釋株連數百人上官薦明允治平第一攝府篆築城陞備軍一儲詰姦宄修復舊堤人號爲黎公堤

以嚴忤時挂議去壬午復以邊材薦以母老辭旋卒長子融吉

國朝順治甲午歲薦徐聞教諭多

善政次同吉康熙丙午舉人著有資治通鑑節要三十卷任四川中江縣教養兼行卒於官貧甚幾不能返櫬子綸芳以貢授連州訓導亦克紹其家

鄭紹武字子縉侍郎維新孫郡諸生大化之子萬歷庚子孝廉博學篤行初令安溪其上田多隸晉江南安奸人簞勢漁奪紹武廉得其魁寘之法境內肅然邑有鉛鐵礦奸民羣聚伐山冶鑄紹武封禁之邑鹽多私販爲給官牒定額寬稅私販遂絕邑

城瀕水捐俸築石堤護之城無水患黃冊更造以券輸稅者溢額二千餘金悉以增置學田修龍津橋建清溪壕陂蠹吏奸胥尤極意整飭直指上其治狀爲忌者所中調粵西臨桂令時援黔兵缺餉圍撫軍於演武場紹武貸於桂藩措餉數萬圍始解臬署火延及獄陰部隸卒守衛柵而請縱囚救火復以救火功請減囚輕罪政暇輒念佛放生民呼鄭菩薩以催徵杖撫院堂吏忤上遂以疾乞歸壬午與修郡志年八十三卒著清溪撮要掇于雜集漪園續錄四書千燈寶藏於家子作霖

鄭作霖紹武季子辛卯副榜甲午拔貢知吉水縣縣衝疲前令數苦之而諂事守作霖至一意爲民郡守丈民田腴瘠以一則起科溢稅二萬復論其欺隱欲追舊浮糧以補積欠民噪泥其門而遁守籍名勾攝民屯礪谷中作霖馳諭民擁馬首泣訴作霖慰令父老隨至守庭代爲轉懇請貸復爲寬耗額定遠近徵比守銜之又欲以虛荒地安插諸投誠者爲吉大患又欲編丁口增數二萬以邀加級作霖痛陳撫院悉罷之於是守撫他事屢欲中傷之坐縣徵比鄉民畏遁積逋愈煩而考成專責於

令遂自請罷斥以歸歸日行李數肩而已

龔用宏邑諸生篤學嗜古事八旬高祖母孔曲盡奉
養霑兩城圯捐工助築歲饑助賑助修縣學供器
咸具子克修字可永幼穎悟十歲補弟子員年二
十六舉於鄉謁選得漢陽縣爲政一務德化偶有
所決罰輒攢眉而退清操絕俗時稱爲龔齋公在
任九年兩舉卓異五膺首薦行取考選道卒初克
修將發流賊獻忠將圍漢陽曰龔齋公在勿犯也
去旬日而城破其爲賊敬服如此

張大化字德順居郡城桂華坊萬歷癸酉鄉薦第六
授湖廣蒲圻教諭以古師道自任學有田租悉以
賑貧生復捐俸置租以益之攝通山縣篆縣僻而
界兩省六州縣之間號難治大化清蠹省濫政教
甚著遷江南宿松縣爲吳楚僻壤兼以兵燹旱潦
逋賦積年大化未至卽馳戒無飾官舍及供具旣
至躬行儉約緩征簡役與民更始直指有節比寒
松政同慈母之褒歸日與子姓課文講藝如平時
車樛字吉仲少與仲兄鳴時鳴燧兼有文譽以萬歷
癸酉鄉薦署東莞教諭遷知松滋縣廉明有威政
平訟理再遷會昌歸不復出

黃冕字瑞甫幼穎異試童子郡守卽有國士之目餽於庠聲名籍甚萬歷庚戌歲薦冕與兄冕篤於友愛訓迪諸子冕五子皆有文長子瑄癸卯副榜仲子琬丙午鄉薦知長壽縣叔子璿壬子經魁澧州知州季子瑜庚午歲薦挺廩生孫鳴翼守脩冕子玠己酉鄉薦官戶曹次子珮國子生孫元極大埔學訓萬餘邑廩生冕任高州訓導修聖廟置學田課士不倦遷瑞昌教諭歸萬餘捐修邑學東廡鍵以孝義重於邑庠門風甚著冕著忠孝錄藏於家塾敦愛敬好施與爲一邑所稱云

盧琚父信威卒於京奔喪扶櫬哀毀廬墓三年奉母訓課瑤瑗二弟以孝友聞以鄉薦任新會教諭陞廣西永淳知縣先是歲饑盜起民散琚至撫綏流亡民復安集一日乃升堂風雷拔其樹琚曰賊且至吾不歸矣時賊圍賓州急督撫遣兵赴援戰捷圍解朝廷敘功獨永淳爲先隣境矣其功賞格不行卒於官弟瑤少執父喪亦以孝聞母教之甚嚴毋恚怒則跪而受荆工古文詞中辛酉副榜著有自知草雁字詩集驛宗伯奇其文至擬之唐宋大家以弟瑗早世兄卒於官不仕分腴田與瑗之子

友愛弗替子元淳己卯舉於鄉

廖述字繩武孝事繼祖母以祖母老不忍遠離讓貢於同列生祖母卒始應萬歷庚子貢教授淮安子祖季邑諸生以言授武英殿中書差固原督餉時流寇梗道祖季嘗死至邊以安軍心事峻歸著有西北遊草父子皆以厚德稱

劉大魁字士登父早世事母以孝聞推誠與人廉於財鄉里重之時初建永安邑割籍爲諸生祖簡爲諒江州判死事官以是教其子玉則則仕全州以廉能著

趙懋字子官居郡城祖印侍御祥也以國學任南直西城兵馬濬城濠有功遷廣西理問兼峽政三捧表箋擢雲南晉寧州同知征苗亂視篆著聲致仕歸賑饑修橋梁葺城好義不倦

駱斌字祿元精於筮疇太極陰陽二氣之理事父母以孝聞友愛甚篤一日過解厓橋有叟墮橋下衆援之亡其金叟窘急復欲自投斌探囊金與之叟謝而去子鳴雷正己卯鄉薦講學西湖翰林龔章進士陳芳胃皆出其門好善樂施有父風

張志規字則之東平木荆崗人儉邑庠有聲孝養父

母嘗倡議改建學呂修文昌祠任勞捐資以成之
 子珥婚於廖廖之嗣孫蕩廢其產又無後志規出
 廖媳奩租五十石為之立後人重其義以歲薦訓
 導閩之興化郡教課有方遷粵西修仁縣令除積
 陋立社學延髦士為師禁守隘官下鄉犗獐向化
 攝永安荔浦政教翕然歸惟布袍蔬食崇正二年
 卒預知死期長子瑄 國朝順治戊戌歲薦任連
 州訓導攝陽山教諭仲子珥仁孝有父風康熙乙
 卯歲薦

廖毓秀字實孺淮安教授進之長子樸誠孝謹友愛

兄弟饑庠有聲崇正辛未以貢選上高丞汰漕糧
 雜耗浮羨百姓稱便邑境捕盜恒禁及無辜毓秀
 力為陳誦多獲免轉判茶陵慈愛一如上高家居
 平糶賑饑遠近德之子允泰 國朝康熙乙卯歲

薦

朝

嚴毓元字始萬少孤事母孝從兄子不肖及卒代營
 喪葬兄遺幼女撫之無異己女為學刻苦稍懈輒
 頂几長跽以自儆以歲薦訓導始興攝邑事屏絕
 耗羨供給教授潮州修明倫堂及名賢祠祀遷長

與丞歸著有述夢戒牛錄遊雷錄韓山菜記愍園集

龔章字惕特其先爲漢兩龔後洪武間以軍功隸惠州遂世居焉父克孝有隱德所稱西樵先生者也章生而穎異目下十行十二爲諸生號聖童庚子年二十四舉鄉試第一癸丑捷南宮首列選館在館不事干謁日讀書自娛以外艱歸乙丑服闋丁卯典試江南所拔皆知名士未幾旋里杜門著述好獎掖寒素一弟一妹弟少歿撫弟之子成立妹適人割已田以給饘粥里閭有急頓橐持贈無德色

平生多所撰述已版行者爲晦齋集綱鑑捷錄

書龔檢計傳

廖貞字廷幹康熙甲午舉人雍正庚戌進士好讀書

達於時務居恒撰述丹鉛萬弓所著有易禮詩書及四子書講義離騷杜詩各有註釋刊有擷秀樓黔遊草羅浮睡語諸詩集歷任貴州黎平府平越錦屏兩縣所至均徭役撫凋敝有龔黃之風縣通古州時值苗警鑿河通道督餉清江經畫詳盡數以策佐幕府特著軍功以丁父艱歸遂不出有勸之者荅以漢毛義事年六十三卒於家

廖氏家傳

陳熙昌字仲晦幼穎異目光炯然讀書數行俱下食
餼郡庠文譽鬱起世宗時與賢良方正博學鴻
詞上官欲以上應辭不就以貢授平遠訓導先是
諸生與武營爭學地令庇營弁生童譁然致罷試
復罪爲首者下之獄熙昌至力言於學使遂得直
歲丁祭將領咸與多不循禮頽胙必厚屠者苦之
熙昌白於學使一循故事祀費例有定額向由發
行舖皆短其直既由學經理短直如故乃捐學租
二十石以益之祭以豐潔復以二十石爲文廟及
四祠香燈勒石於堂熙昌天性篤謹勇於行義爲

諸生時郡邑有所爲如改文廟城門建書院文昌
閣築湖堤修橋道諸事皆力爲勸助嘗輯格言懿
行二十四類曰五倫範又著有四書約解西華近
稿治湖大畧藏於家

陳恒昌字聖基熙昌弟九歲始從塾師學卽能爲文
及長爲諸生食餼以賢良方正薦司刑曹復以薦
監倉場弊絕風清惠於都城獨無會館恒昌捐俸
百三十金爲之倡創置七重三十餘間器具咸具
至者如歸篤於鄉誼周貧乏助歸裝不以有無解
判歸德時桂林陳相國撫河南以爲廉能專檄收

商虞各邑歲輸河料四百萬束前此河廳通監收
爲陋規吏胥因之爲奸收料以觔十爲三恒昌以
十作八郡人計畝輸料咸便之頌聲盈路又令勸
民自開北沙河七十里脩蓄洩廣十六丈深七尺
半載而成民忘其勞查睢州漕倉州吏暮以二百
金賂之却不受亦不苛其事去之日郡人製萬民
衣帳送之立碑誌去思焉年八十一卒著有澹寧
詩四卷文稿二卷

李斌字盛堂世居府城后所爲康熙壬子舉人乙卯
福建同考官以明通榜授潮陽縣教諭卓異遷山

東城縣知縣其在潮也以文教爲己任卽昌黎
祠爲書院增建學舍五十餘間復於四鄉立社課
每月得文至三四百卷皆手自批閱常至夜分其
在城武也慈祥愷悌務爲寬大不事鞭箠訟皆得
情邑地卑窪多患必親自履畝查賑無冒無遺有
富民許訟倩邑紳詭以家釀饋實白金也立揮出
之其清正類如此兩地士民至今感之不忘著有
養和齋詩抄行世次子文起己卯經魁庚辰進士
授山西汾陽壽陽知縣歷任劇邑

黃漢寄籍連平歲貢任南雄府保昌學訓導持身謙

謹接物和平教士有方捐修文廟以壽終

黃士果字偉公溫和孝友任從化教諭造士有方置
祀田擢福建順昌知縣以實心行實政絕包苴恤
刑獄凡有修葺營建常捐俸為之務期堅固順邑
人民至今稱頌

黃應熊雍正六年以優行舉初任浙江海寧縣調定
海慈祥和易政簡刑清定海士民德之為建生祠
擢山西寧武府同知

陳大德字乃吉居恆見義必為嘗首倡題建平山社
倉西江學舍援例赴選授江南安慶府通判長孫

鐸以山西平陽府通判歷署三州四縣卓異擢代
州上官廉其能命護理雁平道事

陳大績字乃慶邑庠生篤友愛好施與凡修造營建
樂於急公丙午饑減價糶穀千五百石壬戌饑捐
五六百石按戶散鄉里丁丑戊寅大饑斗穀銀二
錢大績家無廩儲猶於遠方採糶以賑給其鄉知
縣陳哲以尚義先聲旌之鄉人復列其七善呈於
撫院王安國以樂善不倦表之次子贊熙例授山
東濟南府同知所至亦皆有清名

黃國楹字非杓歲貢生贛州府長寧縣知縣強幹明

決以父艱歸服闋補順天府寧河縣四載請終養服闋再補湖北武昌府通山縣以疾致仕歸橐蕭然

忠節

宋

易青爲都督行府摧鋒効用紹興六年經畧使連南夫與摧鋒軍統制韓京督兵討曾衮衮募敢死士劫京營青爲所執駢至後軍趙續砦外遙謂續曰汝大軍多爲我擒矣青大呼曰勿聽所執者我耳賊又曰吾不汝殺第令經畧持黃榜來招安青又

呼曰勿聽任賊殺我以死報國耳賊怒焚之青死罵不絕口事聞贈閤門祇候遣官祭之

明

王度字子中以明經儒士薦拜山東道監察御史靖難兵起密陳便宜鳳陽不守與方孝孺等畫策誓死社稷坐孝孺黨闔門被繫死時年四十七姻親連坐百五十五人永樂中始得赦其後人嘉靖間提學歐陽鐸祠祀之

劉簡字以中居郡之北城永樂中鄉薦爲諒江州判時交人初附寇逆屢起簡宣布威德百度修舉洪

熙元年黎利叛攻劫郡邑簡集眾固守數月無援
城遂陷被執不屈死弟及妻子凡七人皆赴井死
後諒江民建祠并前祀之嘉靖祀鄉賢祠後以配

王度祀表忠祠

孝義

明

何宗益宗義宗義子璋皆歸善人宏治中以輸粟助

官賑濟皆旌為義門或壘書褒勞

見明史
孝義傳

袁賓字尚賓宏治乙卯有賊掠其鄉賓已逸去俄聞

其繼母俞被執復詣賊請釋母繫已賊從之既而

官軍至賊縛賓於樹終不忍害後仕終

侯相東平人孝事繼母嘗因母怒跪榻前母

竟跪達曙母覺曰汝猶在耶曰母未命兒起不

也母大感悟慈愛遂篤學使劣其文以孝特廩之

後以歲貢授南平訓導自以不能迎養月移母半

奉以半自給蔬食而已以艱去遂不復出解元黃

錦其師也錦沒而妻在相歲時問起居至老不衰

中歲喪妻有二子遂不復娶常至乏食泊如也

謝灌字用孚父光卒灌歆粥屏絕酒肉蔬果衣表裏

皆麤麻日夜號泣擗踊母慮其過毀屬其從叔憲

規之稍益衣食灌雖涕泣從母命而哀不能已後
二年竟以毀卒

潘維垣字守卿方十歲從父外出父命歸取所遺值
夜風雨暴至不憚跋涉至性如成人以諸生貢成
均兄維藩官英山卒卽棄業歸視二親年五十喪
父猶孺子哭竟以母老不仕

黎倬字榮爵年十三喪父泣血廬墓三年奉母備至
時多盜東平才城爲鄉人畫防禦之策造鄉約所
集衆講六諭上官旌其閭建議城東平傾其貲于
長化歲薦孫遵指鄉薦另有傳

黃雲鵠郡庠生幼孤孝母沒廬墓者數年雲鵠居大
路方賊焚劫涌口扶携擔負者紛籍於道雲鵠惟
抱其父母木主入城而已前後直指旌其門

凌世科字道傳居中所街父雲爲嘉善教世科隨之
任漸染於文學博洽多聞六十餘乃貢以母春秋
高絕意仕進貧僅具菽水權如也以父名雲終身
不着雲履

唐宙字一寧永平人少以孝友聞以貢授平海衛學
訓按院以文行俱優薦拔之因母年八旬未獲迎
養憂思成病未幾遷知僭遊縣未任而卒

葉頤字養正歷官湖廣叅議能周貧乏鄉有馮觀保者少孤頤撫育至長仍爲聘娶又有胡源者十數輩年饑立券稱貸頤皆賑之焚其券後卒於家葉尚柏永平人冠帶生員尚義好禮嘉靖辛酉出粟賑饑里人籍以全活鄉人推爲約長慨然以表正自任山寇劫掠鄉聚類有討捕尚柏率衆捍禦甚有方畧

利錦嘗讓大父之產以與叔有友四人鬻產於子孫貧皆還其券有與寧余姓解糧寓其回主僕俱沒於途其子不知糧寶所在

還之子賓以鄉薦令新化有政聲擢南御史封錦如其官

駱達駱韜性孝嗜書有智畧正德間河源賊青頭仔等五巢蜂聚東西江多被劫掠府縣乏兵達與韜率興塘社鄉兵奮力勦平當事欲官之辭詣闕陳歸善諸縣貧瘠狀遂永免興塘夫役民立祠祀之黎化中字彥誠性孝謹母李病侍藥七載無怠容事繼母張尤恪以歲貢授南海訓導不苟取一錢更分奉以資貧生遷徐聞教諭以繼母憂去不復仕耄猶好學友愛兩弟白髮如童幼年八十六卒

黎化淳字彥熙郡庠生四歲母喪哀泣如成人比壯
慷慨好義時拯人之難人重其篤行

劉耀祖字允升諸生淳謹篤學父卒廬墓三年繼母
卒亦如之捐田百石爲祭產捐墟稅爲鄉試卷資
立碑於學子挺萃七歲有神童稱天啟辛酉舉於
鄉孝友有父風著有四書書經正音

葉紹履字仲素太保夢熊孫父世佐伯世儀世儀卒
紹履嗣嗣母李氏死節別有傳紹履以祖蔭授南
太常典簿能其官紹履每念不忘父母病且沒而
以本身及妻貽贈本生父母誥敕至猶泣涕叩首

謝恩枕誥救而卒

姚師堯字用華憲副祥之裔孫少卽以文名食餼於
庠孝養不懈母沒女兄爲母所愛事之如母崇正
丁丑以貢任高要訓導卒五子皆有聲子敬著有
梅花詩黛永樓集子萼有喚作樓集子蓉有醒泉
前後二集南遊草行世蓉尤敦友誼周急好義

翟紹高字翼明性孝友餼邑庠學使者魏浣初深器
重之撫異母弟讓居携持成立至老力學不倦著
有焚餘草尚書蔡沈約旨季子祖祐少有文譽乙
酉鄉薦少孤事母孝母沒作孺子啼者三年性嚴

正鄉人皆嚴敬憚之

姚師夔字周和邑庠生孝友樂善行了凡功過格周恤貧寒收葬枯骨以長子貴卒贈文林郎

任錫休字慎爾五歲喪母依祖母劉迨事繼母克盡孝敬父母卒哀毀廬墓學使者旌之正德庚午歲饑捐粟二百石助賑又捐助修文昌祠及改建儒學樂善好施不劬

林繼德孝事繼母敬其兄事必稟承勇於爲義城池湖堤之役皆身在工作間掩骼埋胔周貧賑以爲常年九十餘部使者至輒召問風俗郡守旌其門

廣陵克孝奔赴經紀其喪并塋其先世之未塋者
家貧好周人之急癸卯子章計偕將發有二族子
以官賦急需告孝立命出行橐與之至郡邑利弊
關於民生者被德尤多云以章貴封翰林院檢討
年七十卒祀鄉賢

陳延圖字東繩定安教諭端蒙次子與從兄延錄避
地博羅丁亥城陷母揮圖行所親復拉之圖曰母
死吾何之遂同遇害

錢夢蘭字國馨六歲喪父事母廖以孝聞母沒登庚
子賢書建陟瞻樓以寄思親之志嘗讀書里塾有

鄰女就之拒弗納婦車生八女屬買妾既取知爲
某妾以貧割愛也卽還之弗問其貴遂改娶而婦
車連舉三子妾亦生子人以爲拒奔還妾之報焉
後以東莞教遷雲南曲靖通判再遷漢州老於家
游應蛟字南溟事親孝能以色養父母卽忿怒愁鬱
見應蛟卽釋然丙辰歲薦石城訓導遷揭陽教諭
海寇猝至邑令堅閉四門城外百姓不得入應蛟
涕泣請於令門始開全活甚衆再遷梧州教授歸
甲戌饑捐糴賑濟九舉鄉飲年八十三卒

姚子莊字瞻子順治戊戌會試副榜事繼母孝撫諸

幼弟愛仕江南石埭知縣縣民蘇姓以邪教株連
子莊虛衷推鞫省釋三十餘人甲寅滇黔作逆鄰
郡多寇子莊練鄉勇造軍器設法擒捕城以得全
士民爲塑像於仙壇宮與前賢竇子明同祀又嘗
建普同塔於陵陽山中收瘞僧人及無主枯骨子
莊未仕時有聶姓以祀租百十石售之及官石埭
忽憶及之曰吾官此且設義學課士捐俸賑饑吾
桑梓忍有其田而使乏祀乎立馳書喻子玠還其
券所著有祖香廚荔書西湖草簡齋詩行路吟鶴
陰詩選陵陽倡和金剛經註解因果錄行世一時

如蔣超元文葉方藹王士正程可則皆爲文字交
子六人俱有聲子璩亦以孝稱捐穀賑饑周恤鄉
里誘進後學著有善餘堂詩及災異錄行世子緒
祖以鄉薦授內閣中書著有方山詩草北征吟
李必彩字士掀居松柏嶺丙戌恩貢孝事父母諸父
有欲以爲後者不忍離所生固却之致訟於庭不
得已以子嗣焉而以其產分給諸昆弟之貧者方
寇破寶岡族親被執貧不能贖者輒代贖之解紛
拯難至老不衰

嚴森邑諸生孝事繼母晨起督一老僕耘鋤且行且
誦人有急忘已之貧以急之年八十一卒仲子傳
臣以歲薦官教諭卒於官孫對揚字築公溫和孝
友順治丁卯鄉薦授四川綏陽知縣蒞任僅五月
興除利弊以病乞休歸

蘇振耀字光字康熙十三年隨征潮州有功補惠協
右營守備以喪母失明乞休奉 旨嘉其孝以原
官致仕

任鏡字心友孝事繼父母執生母喪哀毀骨立年八
十有一長孫一麟領鄉薦

廖雲師字紀伯以母老絕意科名朝夕侍養母喪三

年喜怒不見顏色撫字幼弟無私蓄長孫正發甲午舉人

張衍曾字敷臣事母孝置祀田善承父志爲人解紛人皆義之嘗舉賢良方正固辭不就

馮星耀字壽次孝事繼母以明經薦於鄉父病額天請以身代父卒幾至滅性弟無產乏嗣以子承其祀樂善好施人皆德之

楊廷春字北沾文懿嫡孫也嗣伯後嗣母患疽醫不能治以口吮其毒遂愈隣火延燒將及其嗣父棺冒火救之天忽雨得不燬人以爲孝感撫育孤姪

弱甥完人骨肉畧無德色邑與鄉飲賓學使旌其閭著有惠郡鄉賢考村居藜藿並所輯祖父書行世年八十二卒雍正間祀忠義孝弟祠

廖廕泰字子周康熙歲貢性孝友內外無間父母沒喪葬諸事一不問弟姪撫孤姪三甥皆完婚娶絕無德色人稱長者

李奕源字本德松柏嶺人邑諸生肄業成均需次縣丞因親老不仕事嫡母生母以孝好施與數以資助族人婚喪邑有饑疫捐穀施藥所全甚衆卒時遠近致奠者以千數

翟祖授字繩武宋逢亨之後居白鶴峯下邑諸生以親老不應舉孝事繼母家無厚貲代舅氏力償官逋人有三子俱爲賊所掠祖授憫其無後力爲贖還康熙三十七年舉鄉飲大賓

任淳字子一康熙間以學授瓊州會同縣訓導孝義樂施歲饑助賑存活甚衆

任恭先字咸迺孝事父母母年九十餘恭先年踰六十孺慕不衰順治己亥捐修魁星閣櫺星門及兩廡木主

任若埉字貞卿九歲能文章十五爲諸生歲貢弗仕

性孝友撫育幼姪孤甥如己子捐置祀田賑歲饑鄉里重之著有書經解義綱領要錄西湖雜咏十齋字介仲康熙間歲貢生與弟鏊孝事父母甲戌郡有水患鏊備舟以濟存活甚衆著有北遊草弟鏊康熙拔貢候選教諭著有四書講義十餘卷子姓貧者資其膏火家中落而緩急人不改讚祖母譚三十而寡撫讚父伯叔及讚昆從兄弟皆遊庠序蓋秉節母之教云

劉朝柱字持卿性孝有文一門父子兄弟自相師友

邑孝廉葉自發其弟子也外父母沒力任喪葬戊子多寇盜官兵捕之不獲輒俘良民以塞責朝柱力陳於上官全活甚多辛卯用兵於潮往來供役鄉人推朝柱經紀之輕重適均咸稱其能長子奇癸亥歲薦考選訓導邑有大事恆任其勞督修府學補飛鵝嶺其大較也

駱芳字奕臣刻苦厲學食餼於庠幼喪母執喪如成人孝事諸繼母篤愛弟昆父沒時芳年已五十猶旦暮孺子啼人皆稱之

嚴凝禧字貞吉事母孝篤愛幼弟龍飛峽崩陷二十

里許行者病之捐資修治遂成康莊下荷塘水接銅湖春夏水漲渡多淹溺禧爲橋以濟人稱爲嚴公橋子之璵之珪咸有文名

徐廷獻字翼予邑諸生性孝友夫婦年踰八十相敬如賓歲饑恆出所有以周貧乏好善篤行人皆化之子孫繁衍一堂五代人以爲積德之報云

黃應兆字時清以武事起家丙戌山寇圍惠城郡人舉兆防守協巡五閱月圍解以薦授守備戊子饑煮粥以賑以母老乞休

黃一綬字興爵事母孝棄舉子業從戎康熙三十五



年花山寇亂率兵往勦深入賊穴身受重創寇平以功擢宣武將軍未授命以壽終

姚亮字揆任性孝樂善好施讀書醒泉郡守鍾明進雅重之康熙三十九年歲貢雍正二年舉祀孝弟

新祠

黃桂字月培行醇厚寬和弱冠補弟子壯貢成均樂善好施勤學教子如丙午丁未賑饑及修文廟城隍廟輒捐金數百長子應熊令定海縣貳寧武府所至有聲人皆謂庭訓者素云

林崇榮字本盛衆賢圍人四歲喪父孤苦伶仃勤學



李朝應碧山人嗜學樂善嘗願積田數百畝捐佐賓
興壽八十九將終以此志未成爲憾遺命子庠生
昌發監生駿發魁元卒承先志呈送糧業租穀每
科二百餘石永助通學入科費前又捐建考棚百
金人咸歸美焉

文苑

明

吳高字志高宣德八年進士歷官刑部主事員外郎
福建叅政好學能文致仕歸徜徉山水以文自娛
陳文鄉舉第二授江西永豐教諭三任教授五典文

衡

鍾雅字大章成化進士敏於文尤工於詞時人比之

柳耆卿

王守充字美中丙午鄉薦庚戌進士戶部主事知邵武府詩以清麗為宗書法文待詔好獎進後學

盧曰倫字廷敘少以文譽著學於兄曰偉偉自以為弗如倫鄉薦而偉亦選貢郡守以雙鳳和鳴表之攝新建教諭卒次子熙亦舉於鄉仕杞縣教諭

劉櫛字美伯穎敏能文與葉司馬齊名以鄉薦任沂水知縣不能媚上官罷歸

劉漸造字道克隆慶丁卯以春秋魁省試與楊少宰起元齊名數上春官不第文日益富所著有史餘錄學思錄三十卷藏之家塾孫燾選拔亦有聲

姚百秀字紹張祥之三世孫年十二試第一為諸生九與鄉試三中副榜為潮州揭陽訓導勤於課士尤周恤貧寒學使者以文行兼優薦旋卒所著有方山集都園稿

林應祥字朝賓為文雅有矩矱弱冠舉隆慶六年第六人以孝弟稱於鄉

廖朝天字仕獻少好弄父督之甚嚴閉小閣中一榻

外四空無着足處兀坐經年心忽開悟文有奇氣
庚午舉於鄉

庾樓字木叔倣儻奇偉爲諸生讀書永福寺聲如洪
鐘同輩咸震懾自經史外旁及諸子雜家落筆輒
灑灑千言乙酉舉於鄉生徒半郡城遠近負笈而
至多所成就著有敦行堂集十四卷西湖志五卷
子戾丁西鄉薦

黃端宣德己酉孝廉攝廣西貴縣教諭屢典文衡未
及六十卽乞休

譚經正統六年孝廉授武緣教諭補瑞安衡文南畿
陞南雄教授亦早乞休著六經大學綱領行世孫
大司馬立樂道祠旌之

李應舉南都鄉薦授廣西南寧同知不樂其職歸諸
生延館於翟夫子舍多所成就其學專於治書旁
精律歷

錢萬選字紹行宋惠州守錢酥之後年十二通春秋
弱冠爲諸生食餼文名籍甚郡守延課其子人不
敢于以私萬歷選貢歸日與楊文懿講學卒祀鄉
賢

隱逸

宋

翟逢亨事母孝學問博洽邦人呼爲翟夫子居白鶴
峯東讀書嘉祐寺蘇軾謫時與往還焉

梅蟠元豐年舉進士多才博學授廸功郎不求仕進
鄉人稱曰梅夫子於山川多所留題

明

聶遜永平人永樂癸卯與門人張翼同舉玩意琴書
不樂仕進以親故強出爲義寧縣教諭二載辭歸
郡守欲賓之固辭不出

楊天禎字善徵天祥第五子年十四爲諸生魏校督

學時以麥登爲諸生師雖年倍以長莫敢鴈行有
不附者輒讒於學使天禎恥之一時如劉子龍劉
梧葉皆葉天祐皆以氣骨自持皆被斥天禎亦在
所斥中處之淡然所居窮巷終日坐一竹榻讀書
不輟有所得卽據榻書之妻子襍作於前雞犬喧
聒視若無有里中子弟執經問業多所成就處家
和而有方有訪之者共榻對譚或留飲竟日人皆
樂其真率每出里巷藍服弊履見之莫不加敬
劉梧字繼美以不附麥登登讒於學使者謂之狂生
遂見斥梧卽自號古狂著誕言十六卷曰理氣疑

心性疑經書疑史傳疑詹事黃佐見而招之冢宰
李默時僉事粵中爲序其書太守李玘旌其門曰
逸彥嘗與潮州薛侃辨心性十餘書薛不能難高
自標置故亦不爲流俗所稱妻孔少娥才女也工
詩子確尤精律歷佐嘗令推未來三百年郭守敬
歷不協古者猶十餘條確自元推至堯甲辰以歷
代史較之不協者七耳製渾儀精巧都御史張臬
姓名原缺受其法焉城水東計丈尺揣高卑尤有功
於邑

葉天祐字克常讀書以古人自期會父沒遂謝棄諸
生少出委巷一女子從後撻其冠不顧而走與謝
憲劉梧論學二人或大聲閱辨天祐從容剖析人
謂呂伯恭也天祐教人必先孝弟孝事繼母友愛
異母兄弟居鄉恂恂不事生產所著有閩月解正
統論文論學者稱之

謝憲字汝慎土木形骸不事修飾以歲薦至京卽歸
築處處臺以居謝絕楮墨葛巾木履往來西湖暇
則濡赤土註易授天祐之子春及錄之名周易竹
書又著有通紀私見潮陽薛侃講學豐湖獨重憲
人稱爲惕齋先生

孔學周字憲卿諸生以病謝去潛究理學及丹經醫術著太極辨疑結庵羅浮繕性修道以終

李燠永平人少從父之任安溪受易蔡虛齋先生與海陽盛端明爲石交父沒母老絕意仕進躬治蔬圃以養喪妻不再娶母沒廬墓手植松楸遂隱居誦讀其中不與俗士往還惟端明至輒淹留數日劉子龍字司源以不附麥登棄去諸生薄田數畝在郡東四十里誅茅結屋讀書其中時與農佃雜作或入城存問故舊斗笠籃輿蕭然風塵之外著東莘十咏以明志

耆壽

明

姚清永平人性淳樸身貧竭力奉養父羨年九十七兄茂年八十四清年躋百歲人稱壽門云

嚴維翰九歲入邑庠十六食餼隱居講學九旬壽終

國朝

黃平世嶺下人性孝友嗜古九戰棘闈絳帳講學垂老不倦應康熙己卯歲薦一時名士多出其門

陳燕鐵爐湖人性質冲和精神矍鑠年九十猶勤訓蒙登山展墓必躬親屢與賜粟帛壽九十三

熊飛涓陂頭人歲貢生孝友著聲勤於講學及門甚眾壽八十

余國光螺湖人庠生行誼肫摯父嘗勗立家塾國光承先志置學田六十石以教勗宗姓倡築近鄉河堤捍水患捐二百餘金同里賴之壽八十三

袁瑛見蓬瀛人好學至耄不衰年九十二應歲貢壽九十五

陳來驥監生性孝友好施與歲飢賑濟邑令邢林咸給匾旌之壽八十八

鄧鳳洲邑增生嗜學樂善數捐資瘞暴骨垂老手不

釋卷壽九十五

寓賢

蘇軾字子瞻眉山人紹聖初御史論軾前掌制命語涉譏訕落職知英州未至貶寧遠軍節度副使惠州安置初至寓合江樓繼遷嘉祐寺後乃卜築於白鶴峯居惠幾四年泊然無所芥蒂人無賢愚皆得其懽心又貶瓊州別駕居儋耳數年移廉州皆子過隨侍凡生理晝夜寒暑所需者一身百爲不知其難

唐庚字子西眉州丹稜人以張商英薦提舉京畿常
平商英罷坐貶安置惠州居郡城南沙子步李氏
山園人號其所居地曰子西嶺會赦復官歸蜀道
病卒

留正字仲至泉州永春人清遠節度使從効遠孫也
少遊惠歸善徐敦實以女妻之因家焉應惠州舉
登紹興進士爲南恩州陽江尉清海軍節度判官
以宰相虞允文薦擢知循州陛辭首言崇尙名節
孝宗嘉之除軍器監簿淳熙中拜相孝宗崩光宗
疾不克臨正累乞蚤正嘉王儲位與趙汝愚異遂

去寧宗立復相韓侂胄間之復罷卒贈太師諡忠
宣

陳知柔字體仁永春人歷知賀州與秦檜子熺同榜
知柔獨不附罷賀州歸留惠二年晦日泛豐湖登
白鶴峯追和東坡詩陶寫羅浮風物殆盡

陳鵬飛字少南永嘉人紹興進士遂於經學秦檜子
熺嘗從之遊在禮部時熺爲侍郎文書不應令鵬
飛輒批還之熺寢不平說書崇正殿因論春秋毋
以子貴言公羊之非檜喉言官劾鵬飛譏訕慈寧
無禮謫惠州於舍人巷面湖築室以居遊戲翰墨

良言集卷十四
人得尺牘皆珍藏之竟卒於惠其後遂爲惠之鐵
爐湖人

湛若水字源明廣州增城人父瑛豪俠好義爲鄉里
媒孽致禍不測若水年七歲母與一老姑携之走
至歸善之岡下李同知應留之令與諸子同學怨
家復踪跡及之應爲之挈家西江赤樹塘及事平
若水年十五矣蓋在歸善者九年舉鄉會試皆第
二以兵部尙書致仕歸講學天關初李同知知若
水必貴及貴而同知死久矣若水時時迎致其子
若孫懽無異兄弟語及同知輒淚下

薛侃字尙謙揭陽人師陽明先生信道甚篤成進士
不急於進猶依依師門母命之仕嘉靖間官行人
司正以言被讒歸壬寅將遊羅浮學者留居半選
遷豐山永福寺學者聞風而至接引不倦寓惠前
後四載歸揭陽卒

國朝

陳芳冑字子中海豐人其父明經程鑰徙居郡城芳
冑丙午鄉薦癸丑進士以親年老不仕性孝富於
著述好善樂施子宗俊亦有聲於庠

仙釋

宋

呂鑑邑人少習舉業不成以武進校尉出身既棄去會白玉蟾道人抵其家談元月餘鑑驗道人多神異狀傾心師之隨至五里沙於沙中畫字授其術邑有旱災禱雨甚驗後死舉棺輕人以爲尸解

元

譚公道邑人居九龍山修行不記歲月每杖履出山一虎隨之或爲負菜往返與俱既沒祈雨場輒應山故有庵有田數畝

以上仙

真空禪師泉南人墮井不死父母遂舍之出家既長遊關洛間歷終南衡嶽嘉靖己未來羅浮憩止永福寺一僧爲細針裹衲暮春遊人甚盛師置盂默坐或投以錢時在樹下或佛燈下入定已則隨衆作務人莫之知葉夢熊葉夢讀書寺中異而敬之師亦樂與之遊處一日夢熊戲之曰師他日成六祖乎曰成則便成何待他日我自成我何必六祖夢見師作小楷亦戲之曰曹溪有一字乎笑而罷去喜作勞夢問亦苦否曰米未熟不腰石春不熟

也吾今黃梅一行者耳郡旱雩雨師觸蘊隆坐東嶽嶺誦經七日其苦行如此已而住廣孝寺徒觀音山所至爲人說法一日設醮令弟子置龕旣入而夢熊至復出與之別而後人夜半遂自焚徒衆收其舍利藏之

終南禪師法名如止廣州何氏子得法終南真住禪師五臺性空禪師後歸惠州建道場曰六度先是真禪師示偈有十緣惠榕先勒六度之語也崇正己卯邑令陸改古榕亭爲寺延師說法其中粵僧乞法者甚衆乙酉重九鄭郡守至握手言別一笑

而寂

正茂字海邗東莞人俗姓陳幼穎異讀書不慕榮利遊歸善之大雲寺聞耕雲禪師語遂披緇爲弟子後居白鶴峯嘗靜坐一室讀三教書往來羅浮西湖著有談真集行世

以上釋

列女

李氏鎮撫吳楨妻少寡守志不渝思州衛上其節宣
德四年旌

侯氏僉事郭觀妻正統中隨觀任廣西平南學訓導
徭寇亂劫氏與子紹輝去寇裹飯授氏不受棄於
地寇怒殺紹輝以脅氏氏大呼曰狗賊何不殺我
使子母一處耶遂遇害事聞詔旌其烈

王氏劉彥愈妻年十七彥愈死守志撫遺腹子觀成
化中旌年八十三卒

劉氏鄒某妻年二十餘夫與翁姑俱亡無子止遺弟
宏尙幼氏守志撫之年八十三卒

詹氏指揮劉楨妻年十七歸楨二年而楨卒撫遺腹
子全孀居六十年宏治中旌

楊氏呂純如妻年十八歸純如子希望生一歲而純
如卒氏勤苦教督希望舉正德己卯鄉試未幾卒
而希望妻祝氏年二十七有子二人姑婦相守一
門雙節楊年八十餘卒祝亦以壽終

石氏蔣鐸妻鐸世爲惠州衛指揮同知氏年二十四
而鐸死父母以其少無子欲令改適氏誓死守時

蔣宗皆絕家且寡獨與一老婢居力作自給戚屬
罕得覲面堅貞無玷年七十卒

鄒氏葉標妻年十九歸標七月而標卒又六月子春
芳生氏曰夫君庶幾不死矣事舅姑孝謹備至教
督春芳官古田縣丞孫夢熊官至太保遂大其門
氏年六十四卒萬歷丁亥年旌

陳氏郭釗妻字幼貞生而沉靜寡言笑父鎰嘗教之
女經傳不口誦又教之書不舉筆詰之日非女子
事也女知謹吾身足矣歸釗事姑孝姑沒月餘釗
繼沒時年二十一遺孤甫一歲幼貞大慟嘔血數

絕而甦既營葬二喪衰服者七年毀容垢衣紡績
自給年六十三卒

王氏葉萱妻年十九歸萱舉一子月餘萱卒母憐其
蚤寡勸令改適王輒痛哭撫萱几筵欲自絕母不
敢奪平居出入不苟言笑年七十九卒郡守史立
模榜其閭

陸氏俞瓊妻媳葉氏俞邦言妻俞世惠州衛百戶瓊
未官而卒遺襖中兒寶甚無依陸父母家必欲嫁
之陸懼不能免廼斷髮抱孤朝夕泣父母感其意
遂不奪其志子邦言稍長襲百戶未幾死陸年老

失壯子悲慟欲死媳葉氏誓與姑同死守而性復
明慧識大體時時強爲好語慰陸曰邦言雖不幸
幸有婦在姑若是將謂婦不能事姑耶陸廼漸解
葉日夜經紡以膳陸又能婉悅其志陸益安邦言
既無嗣其官當以族子繼故事饋二十金請世牒
陸與葉泣曰天殄絕吾家使無嗣今俞氏幸不失
官卽祖勲世世食矣復安用此峻却之人以此益
多之二氏皆以壽終

博羅車溥妻葉春芳女年十八歸溥逾年溥卒子惠
生纔半月氏伏尸慟誓以身殉父止之曰若卽死

如遺孤何乃奉姑撫遺惠長且娶而天無嗣氏又
將死之諸弟復慰之曰姊卽死如立後何立後二
年氏竟死

葉氏陳夢桃妻年十八歸夢桃三歲夢桃卒子生兩
月氏曰吾聞諸父夫死不死爲存孤也况舅姑尙
存執婦道事之及子長爲之娶而天有遺腹焉氏
又曰吾聞諸兄弟子死不死爲子後也復忍死植
遺腹以壽終

鍾氏黃涵妻年十六歸黃一年而生男可觀七日涵
卒鍾矢志撫孤長爲娶婦盧氏八年而可觀卒盧

無子亦效其姑守志不移郡旌其門曰雙節

徐氏者惠州衛舍人劉越妻東平處士徐忠女忠爲
徐敦實裔有故家風女年十八適越二十一而越
故有宦門欲娶之徐以死自誓母朝夕守之不得
死遂嬰痲疾竟不服藥曰吾固無以生爲也事姑
撫幼內外肅然六十餘卒

姚氏御史祥裔孫庠生津女也年十六歸庠生葉世
偉事舅姑孝謹舅姑歿執喪哀祭必夙興治具家
故無饒產諸姑叔俱幼弱食指復煩姚毀簪珥一
身支持經紀嫁娶百口共炊無諍語者無子爲夫

置媵恩撫有加夫歿忍死立嗣調護妯娌不使萌
分析念竟以焦勞成疾卒自稱未亡人卽廢歸寧
之禮不越戶限者十年自太母鄒暨貞淑李與姚
謂之葉門三節而姚尤不獨以節著云

鄭氏邑庠生曾良圖妻樂安縣丞鄭教女也年十八
歸曾十九夫卒痛哭屢絕夫有弟四人以產聽其
經理惟日與妯娌紡績共坐一室至晚始分守志
四十餘年內外無間年六十五卒

鄭氏御史維新女適司指揮法年二十九而寡僅守
一女獨處敝廬杜門終歲水溢及廬或艤舟以濟

終不肯出曰此吾死所也吾何適蓋宋其姬之流
年八十餘戚屬有不識其面者郡守部使屢旌之
姚氏御史祥孫女適司濂年二十一而寡欲死者屢
矣姑曲譬而止生遺腹桓焦勞教育以至襲爵有
孫與鄭並節一門而生兩御史人謂忠臣節婦有
種云

鍾氏惠州衛舍人雷應時妻年十七適應時十九而
寡亡何姑葉氏亦卒益欲死祖姑張氏知有遺腹
百方慰護後生男學禮學禮三十餘卒有孫鳴震
復撫之至襲爵再世植孤備嘗艱苦年七十猶不

爲親屬所識天啟五年覃恩贈淑人

方氏朱自省妻與察人也年十六賊毛老擄使卒負以去方噬賊背齒肉俱脫賊怒嚙斬之

李氏葉世儀妻河源李熹女也名建幼有夙慧授孝經列女傳通曉大義長益嗜學能文章奉閨範惟恪及歸世儀而世儀病甚氏爲疏告天請以身代儀竟卒氏欲死之父母諭之曰殉夫固節也如父母何能事姑立後其節加大猶不欲生姑又諭之曰子死汝在猶吾子在汝死我必從之氏乃不死舅姑爲取從孫立爲後氏撫育訓誨奉姑承歡時

有疾誠侍者勿使夫人知預爲遺稟舅姑及父母又遺戒嗣子置妝篋中及卒姑哭而發篋見遺書語皆大義聞者莫不賢而悼之時年二十五旌曰貞淑

劉氏吳從正妻年十七歸從正孝姑相夫俾專學業從正舉於鄉而卒無子氏時年二十有六夫慮其死節囑侍老姑遂朝夕弗離姑側奉事益虔姑卒氏亦亡

張氏曲江文獻之後裔爲楊文懿繼娶不三載而文懿逝遺腹產兒見皞與前母兒共六人盡心撫育

如已出延師訓誨有孟母之風六子皆列黌序有聲年七旬以壽終

嚴鳳姑嚴必顯女許配郡庠郭紹儀子于襄儀故必顯悔別許富室母女泣諫婚無二許不聽將受聘鳳姑密理笄縫其衣於萬歷戊申孟冬十八夜潛出投江死明晨聘至不知鳳姑何在遍覓乃獲屍於江顏色如生于襄臨江泣奠闔郡士夫高其烈咸致誄焉

盧氏歲薦盧信威女郡庠李發生母也年二十四夫卒撫孤紡績以佐讀勤儉持家繕祠塋恤貧助葬

無少吝糶有悞秤而多價者必發還之寡言笑足不踰庭者三十餘年

李氏姚公襄妻指揮又耀女歸三月襄病經年卒痛絕欲殉姑勸慰立嗣嗣子象坤甫七齡撫之成立

國朝

陸氏明千戶陸誠女年十八歸國子生黃珮二十八而珮卒子鍵甫三歲妾子鉉珮卒數月而生前子克敬餼郡庠長矣陸以家事委之鉉母改適陸祿負鉉與鍵無異兵荒亂離中獨撫二孤成立鍵補邑庠生鍵子溥克敬子溶俱列黌舍人稱孀節之

報陸事舅姑孝姑臨歿以所積私遺氏百金氏則公諸伯叔子姪里戚咸推異之

羅氏職方司陳良言妻徐氏俞氏其妾也良言貴州石阡衛人流寓郡城其先携眷避亂長樂值東城陷竄居禪定寺四營賊露刃脅其財羅氏誓不受辱自縊而死徐氏俞氏忿羅氏死亦相繼就縊幼女二姐三姐四姐弟僕永祿婢福姊俱投繯而死一門節烈樂人哀之爲合葬寺傍立祠以祭表爲九烈墓云

陳年姐鐵爐湖叔冠女許婚邑庠李花結丙戌冬婚

有期矣九月寇陳雅入據縣城年姐懼爲所污私理衣裾密縫之自縊死數日顏色如生賊憐其潔烈葬之

陳火姑邑庠王應會妻歸寧途次鹽埠磔遇大蓬盜被擄不爲所污次日盜回營經赤砂渡火姑從舟中奮躍入海溺死

林氏文學薛泰來妻孝廉景之母經魁大成祖母也年十八歸文學二十一年舉子景八月而文學卒林哭之痛欲以死殉水漿不入口者七日林母矣撫之曰兒無以死而身繫兩家存亡兒母二十而

孀獨有兒至今今兒孀八月孤在抱垂白舅姑在堂兒死報逝者云何也林乃止撫孤奉舅姑亂離困苦不失菽水歡舅姑歿喪葬盡誠景舉孝廉孫大成中經魁節孝之報也孝廉歲時上外祖母吳塚爲隕涕蓋不忘吳云

烈婦胡氏休寧胡濺之女海豐孝廉葉維菱次男葉祖麟之妻也濺爲湖廣軍避亂家於惠麟母吳聞烈婦賢聘爲子婦未幾麟病瘵姑欲迎烈婦歸父母不可烈婦曰父母旣以女許葉則女爲葉婦今姑老子病女歸宜也倘得躬侍湯藥無違姑意不

亦可乎父母許之麟疾語烈婦曰爾有父母我死爾歸父家烈婦曰妾無歸理君卽死妾將隨君麟死烈婦顧牀頭劍欲自裁母抱持奪之不死自是防衛甚嚴烈婦不食不飲朝夕號泣聲失而氣厭厭一夕請姑至作永訣狀口欲言而不得點頭數次而絕年一十九歲葬西湖六如亭畔有司以聞奉

旌表

烈婦沈氏固原叅府沈揚之女廣東提督許公諱貞之嫡姪許良惇妻也丙寅正月歸惇六月而惇病

烈婦侍湯藥惟謹禱天以身代悼竟病死烈婦抱
 屍痛哭以頭觸棺死家人救之不得死至葬復觸
 棺死家人又救之不得死歸至玉帶橋投水死又
 救之不得死抵家吞金環死救之又不得死許公
 慰之曰汝殉夫固節也如喪禮未畢何烈婦乃不
 死食夫之餘羹寢夫之遺衿朝夕祭奠哭閱百日
 許公復慰之曰汝志不移再待暮年未晚也烈婦
 雖勉不死而志益堅於死丁卯二月初四晨起乘
 侍女偶離左右自縊死侍女覺而救之終不得死
 烈婦知不得死遂勺水不入口至十一日晡日御

視呼夫者三始氣絕而死死年一十九歲

案烈婦非惠人

似可不載而死節甚奇以寓賢之例錄之亦足以激揚風化也

胡氏邑諸生徐宣泰妻泰力學刻苦遭疾而逝時氏
 年二十有一生子甫三歲哀痛絕粒欲死姑欲與
 同死而止奉姑曲意順承祭葬盡禮夫遺薄產族
 人侵噬過半逼其改節氏吞聲忍受無少屈子佩
 芷有文名事母以孝聞

張氏葉少保裔孫文學自生之妻世襲指揮張應奎
 之女性貞靜知婦道十六歸自生善事祖姑三載
 夫亡姑老孤幼忍死事養苦守二十三載年四十

二終雍正二年邑紳公舉請旌

李氏邑人李用楫女泉州許棟妻棟遊學於惠遂家焉娶氏踰年而故遺腹生男懋修家貧紉績自給母憐其少欲奪之自經者數次母懼而從之懋修成立有聲膠庠

任氏邑庠生殷發妻歲貢任若埉女也歸發生一子而發卒氏年二十六姑年且八十外無伯叔內鮮妯娌矢志事姑撫孤以女工自給越十七年而姑歿殯葬如禮孤子成立年六十卒

黃氏盧傑妻傑患蠱家貧無依盡脫簪環聞有能醫

者不避險遠躬求藥餌三載如一日傑歿從容不斂投繯死官以貞烈旌其閭

林氏博羅廩生林龍鑲之女配夫都指揮同知張應圻之男子霞十九而寡事老姑撫繼嗣宗發既成立而亡嫂亦繼歿三世四喪林乳乳子立撫幼孫殿元殿颺成立曾孫二人以壽終

馮氏陳元棟妻年二十一歸元棟七載棟亡孝奉翁姑教育孤子讀書有聲馮年古稀上官旌其閭

周氏文學黃殿賓妻歸年十九二十四夫亡時祖姑翁姑俱已年老提攜弱女孤兒生養死葬訓子成

名公舉節孝旌於鄉

溫氏陳毓曦妻平山司碧山舖人年十六歸毓曦越二年生子義中又一年夫故氏年纔一十九歲提携幼孤奉姑一十五載孝養備至姑歿喪葬盡禮年五十六子義中歿痛不欲生媳林氏百方慰解廼以撫孫爲重姑媳相依爲命寒機夜火躬自督課長孫應甲進郡庠次孫應欽長曾孫衍慶先後皆入邑庠咸以爲節孝之報乾隆十一年奉

旨建坊旌表

林氏處士黃弼臣妻鹽竈背人八年十七歸於黃二十

而夫沒僅一子氏誓死同穴翁姑泣曰汝夫不在見汝如見汝夫也且汝死孤兒何賴乃不死孀居骨立屏絕華飾事翁姑撫幼穉備嘗辛苦子天保孫道輪道暉道全分列成均有聲翼序人以爲皆氏之節孝所致也乾隆十九年奉 旨建坊旌表年至六十七卒清操冰潔尤好善樂施云

古氏童生黃蘭儒妻監生黃璫母貢生昭仁捐職千總昭德之祖母鹽竈背人年二十適蘭儒二十六而寡生一子纔五月氏號痛欲以身殉諸姊妹多方勸慰廼止上奉翁姑下撫孤子曲盡慈孝居孀

三十餘年言笑不苟出入必謹終身以禮自持乾隆十九年奉旨建坊旌表

張貞女梁化司樟村圍人幼許字溫德昭貧不能娶女年二十五德昭沒訃至女泣求父母願歸于溫父母憐而許之女執喪守禮足不踰閭人罕見其面翁哀其苦志以四歲孫振裔立爲嗣慤勤撫育勤女紅以佐饗雖貧寒特甚畧無怨悔子長娶婦且多孫苦備四十餘年以疾終乾隆十二年奉

旨建坊旌表

毛氏國學生廖紹縉妻博羅元岡鄉人內外祖父俱

科甲名族幼知書秉禮年二十歸于廖孝奉翁姑躬親操作甚得翁姑歡二十七而寡僅遺一子一女以翁姑苦心教子昇弱冠爲諸生食餼氏長齋奉佛好善樂施于翁姑老母之喪盡哀盡禮祭必躬親終身不衰年六十九而歿

廖氏家傳

胡氏名賢姐家極貧四歲爲邱家養媳年十二夫尙啟病廢服事無怨言年十八夫故尙未成禮也姑以家貧婦少托鄰媪勸之他適氏泣曰吾不忍舍吾姑姑遂不復強有賄其母家強娶之氏誓曰吾至伊家卽死遂不敢取夫有兩弟氏拮据力作奉

姑撫養之稍有餘積爲先後娶叔姒嫂不啻母也
姑常患喘氣氏日夜奉侍衣不解帶每不藥而愈
一日姑病甚已死殮且殯氏撫尸痛哭曰姑未嘗
見孫何去之速也越一宿復生人咸謂節孝之感
姑見孫數歲而沒婦年且六十仲叔已亡氏又撫
其遺子季叔艱於嗣繼一子氏愛養無二皆人所
難云

陳氏郭亞瓊妻年少夫沒懷抱二子賣薪自活或憐
其貧苦勸之嫁氏不從年四十臥病乏食有慕其
德性求爲繼室者氏更以死自誓年四十一竟以

病死二子貧不能具棺鄰戚哀其苦節備棺葬焉
楊氏陳廷策妻年二十二夫歿遺孤士林僅一歲氏
之父母憐其年少托病來召欲奪其志氏覺卽時
奔回至子十餘歲始携以歸寧今年七十有三矣
李氏國初順治海豐縣招勇將軍李虎次女適歸善
縣學庠生陳詩長子元集集沒遺孤應平纔三歲
氏年二十三清操自勵事舅姑撫孤兒敬幼叔始
終如一娶媳莊氏生八子一女長監生克誠次廩
生意誠次監生載熙次衛千總捷泮次庠生爲剛
次舉人俊剛次庠生克剛少監生琦剛女適監生

孫鼎目見五代兒孫盈百舉貢監生員文武二十餘人氏年八十有六節孝之報稱極盛云

魏氏炙賢銀街里人祖父皆宿儒爲方家婦數歲夫沒慟絕者再母歐及弟爲方治殮具魏親詣匠所擇木爲二棺誓以身殉及葬復隨柩至墓令廣其穴母歐及弟不從氏時時求死悉以夫遺金授母以幼女爲囑母與弟嚴爲之防不能卽死次日忽止哀如平時具肴醑將往祭於墓母竊喜謂不死矣防稍疎中夜投繯卒去方卒二日耳家人別爲一冢葬方側忽風雨驟作衆驚避及霽往視之二

穴已并爲一矣孝廉薛景爲立傳合鄉勒石表墓云

馬氏林通妻年十八歸林未及三月通故誓死殉家人勸止之父母欲奪其志以鳥爲喻曰何樹不可棲乎答云鳥棲樹人從夫父母家竟以氏許人持聘禮迨氏收之氏從容言曰父母主張此物何必兒三日後迎我可也且携物去如不介意者入戶投繯而死時年十九歲也

朱氏年十八適平海營校尉陳國明生一子乾隆乙酉夫故慟泣三日治喪畢託子於夫弟投繯以殉

黃氏盧斌傑妻斌傑病氏侍湯藥不懈及死氏即自縊康熙六十一年知縣孫能寬以節烈旌其門
羅氏幼許字黃啟龍未婚夫沒痛哭欲死父母兄弟止之願辭父母歸於黃父母許之既往哭奠畢遂執婦道奉事翁姑以禮自守教訓嗣子一如已出苦志貞守二十年而卒

劉氏曾耀妻父沒無子母依氏氏男從軍月得糧不足以給朝夕氏日爲隣人擔江水以養母母死貧不能棺殮兵之父母死例得恤銀八兩氏哭曰吾何愛一死不以殮吾母遂投繯死其子聞於官遂

并葬焉邑人至今哀之

王氏監生曾九思妻夫亡矢志栢舟孝姑撫子勤儉操作垂老不倦家道以昌以長子者仁州同封太安人目覩四代孫曾盈庭節孝之報云

李氏郡庠黃守彝妻年二十二夫沒子朝秩甫二齡氏苦節撫孤爲國學生娶媳房氏生二女朝秩沒房氏時年二十七婦姑相依房氏亦矢志奉姑取本宗子爲嗣李壽七十七房現守節二十九年

馮烈女許字鄧煥堂乾隆辛丑婚已有期先一月夫歿女辭父母欲歸於鄧誓以身殉合葬弗許投繯

者再家人防愈密求死不得後托浴閉室自縊而絕遂合葬於橫嶺之原人士哀之競為詩歌傳記名栢樓集

節孝事畧同者彙傳

汪氏

黎元翼妻撫育遺腹奉事哀姑雍正五年旌

羅氏

監生高飛騰妻奉翁撫子守節四十四年

劉氏

戴鳳鳴妻奉事舅姑成立繼嗣守節已四十年

田氏

戴思全妻家貧撫孤奉事翁姑守節已四十餘年

劉氏

溫達信妻讓產撫繼子子死撫繼孫守節已三十餘年

謝氏

溫達賢妻撫子成名守節五十八年

賴氏

廖象坤妻撫遺腹奉事老姑守節已三十年

陳氏

黃柔遠妻奉翁姑教孤子英立平海營把總贈孺人

張氏

劉天琪妻撫遺腹養翁姑苦節三十年

李氏

陳廷傑妻勤儉撫育繼嗣守節已四十餘年

藍氏

陳天瑞妻撫遺腹奉翁姑守節已四十餘年

藍氏

劉耀德妻撫育遺腹貧而守禮四十五年

古氏

胡維杰妻孝事翁姑紡績教子守節已四十年

宋氏

黃恆俊妻撫繼嗣孝翁姑守節已四十三年

張氏

監生江澄寬妻孝事翁姑教子成名乾隆十六年旌

韓氏

潘得龍妻孝事老姑教子成名守節三十年

鄭氏

夏峻典妻郡庠沐春之母撫孤成立守節已四十五年

馮氏

唐德化妻年二十寡撫孤紹堯成名苦節五十五年

鍾氏

監生馮侯周妻撫孤德謙補弟子員乾隆二十三年旌

馮氏

黃河英妻孝事翁姑撫孤佐成名孫續基廩生守節五十二年

王氏

曾振子妻孝翁姑撫遺腹乾隆十二年建坊旌表

宋氏

陳纘惠妻附貢生登雲母孝事舅姑教子成立苦節三十三年

廖氏

羅重晃妻少寡矢志撫子成名守節四十八年

姚氏

楊朝玉妻堅貞守節撫育遺孤孀守四十五年

劉氏

廖劉後妻善事舅姑撫育幼子乾隆三十三年旌

宋氏

生員黃英勇妻撫孤晨超成名堅貞苦節四十六卒

賀氏

薛帝子成立守節三十三年

陳氏

楊蕃妻十七歸楊一月夫逝孝祖姑撫繼嗣孀苦六十五年

劉氏

方位坤妻夫亡誓殉合葬絕食七日卒

何氏

胡烈婦遇暴不污冒刃全節乾隆四年旌表

萬氏

胡南薰妻孝事舅姑成立繼嗣守節已四十八年

鍾氏

陳元魁妻年二十寡敬事衰老翁姑撫孤成立孀守已三十三年

張氏

黃泣中妻監生峻南之母孝姑撫子死撫六孫俱成名苦節五十二年

梁氏

廖紹緞妻少寡敬事翁姑撫孤歿復撫繼孫孀守已四十一年

鄧氏

蓋生黃際昌妻撫子成立子已復撫幼孫苦節已四十六年

陳氏

賴晃妻貢生維祖續祖之母盡孝守節四十餘年賑饑修路督撫給匾旌表

羅氏 陳大觀妻廩生蓉母孝事舅姑教子成名守節五十二年

郭氏 謝介福妻堅貞守節乾隆四年旌

張氏 監生廖有成妻孝事翁姑撫子瑤瑤成名守節四十二年

陳氏 監生廖端成妻守志撫子成立子亡撫幼孫苦節五十一年

馮氏 生員張嵩妻孝翁姑撫孤兒守節四十年卒

黃氏 張其仁妻守志不渝乾隆五十三年旌

劉氏 葉天况妻州同國用母孝姑撫子守節五十年

何氏 葉天植妻貢生茂蘭之母奉姑教子守節六十四年

任氏 貢生陳贊基妻敬事舅姑撫孤唐入泮守節已三十六年

江氏 陳贊颺妻丁歸一載夫逝孝事姑章撫嗣銑成名守節已五十餘年

何氏 劉元貞妻矢志守節遺孤歲成名乾隆戊子年旌入節孝祠

陳氏 李學裕妻歸李三月夫逝撫嗣恭持成名守節五十年

郭氏 陳中和妻堅貞苦節長姑守子鄉鄰公呈于知縣孫能寬其以前長姑

賴氏 監生李廷煥妻守節四十年子亡撫孫守節四十年

何氏 林維桂妻撫遺腹子九子閨門清謹守節四十九年

劉氏 陳纘瑤妻子週處苦節三十餘年姑撫孤錫成名守節三十餘年

劉氏 陳纘瑛妻少寡敬奉翁姑守志三十餘年子銑以繼夫後撫銑入泮守三寸餘年

劉氏 許旦妻庠生大元大媳守節堅貞守節乾隆十三年旌

彭氏 黃士生妻于乾隆四十年被陶亞群調戲羞忿自縊身死詳奉

鍾氏 黃錫璜妻孝敬翁姑繼嗣孀年既五十餘年嘉慶二年旌

